

Landesbibliothek Oldenburg

Digitalisierung von Drucken

Primae Lineae Doctrinae De Protestatione Cambiali

Hufeland, Gottlieb

Jenae, 1799

VD18 12256064

§. 44. 1) Requisita generalia.

urn:nbn:de:gbv:45:1-8845

SECTIO V.

Solennia externa s. requisita instrumenti protestationis.

§. 44.

1) *Requisita generalia.*

Ut instrumentum protestationis perfectum haberi possit, necesse est, primo quoad formam requisitis instrumenti publici munitum sit, secundo omnia ista contineat, quae ex eodem probari debent. E priori determinatione veritas et fides instrumenti, e posteriori ejusdem vis probandi nascitur. *)

§. 45.

Instrumentum publicum est, quod a persona publica conficitur. Personae publicae sine dubio sunt homines in officio publico constituti, sive sint magistratus sive non. **) Maxime vero circa hoc notandum est, neminem personam publicam haberi posse, nisi intra limites officii sui agat; ultra eosdem enim et potestas et auctoritas cefsat publica. Habes ergo hic non nisi judices et notarios, ad quos respicere possis.

§. 46.

*) cf. HELLFELD jurispr. forensis §. 1158 sqq. Disquiritur hic de natura hujus instrumenti generali. Si in legibus provincialibus s. exoticis specialia quaedam praescribuntur, applicandae sunt leges loci, in quo negotium, i. e. protestatio, conficitur. FRANCK, inst. j. camb. mantif. tit. 3. §. 7. PÜTTMANN §. 112. ibique citati. Plura jura circa formam protestationis valde discrepantia allegavit SIEGET. Einleit. ins WR. Th. II, c. 4. §. 16. in ejusd. corp. j. camb. P. II. pag. 419.

**) cf. meine Institutionen des gesamten posit. Rechts §. 258. 259.

